



Broj: T01 0 KT 0040829 22
Bihać, 17.10.2024. godine

OPĆINSKI SUD U BIHAĆU
-Sudiji za prethodno saslušanje-

Na osnovu odredaba člana 45. stav 1. tačka i) i člana 241. stav 1. Zakona o krivičnom postupku FBiH, podižem:

O P T U Ž N I C U

PROTIV:

- 1. D. E.**
- 2. S. S.**

ŠTO SU :

Prvoosumnjicheni D. E. (sam):

1. Dana 09.03.2022. godine u vremenskom periodu od 02:00 sati do 04:00 sati na raskrsnici ulica H. m. i G. u gradu B., u namjeri da za sebe pribavi protivpravnu imovinsku korist, dovezao se putničkim motornim vozilom marke „G“ reg. oznaka (...) u krug prodavnice broj 8 vlasništvo d.o.o. „I.,“ Bihać, znajući da se u istom niko ne nalazi, gdje je upotrebom metalnog pajsera slomio metalni katanac kojim su bila zaključana vrata na magacinu navedene prodavnice, nakon čega je ušao u isti, te svjestan da oduzima tuđu pokretninu i htijući to, otuđio 220 komada kafe Brazil od po 500 grama, 160 komada kafe Zlatna džezva od po 500 grama, 9 komada deterdženta Persil od po 10 kilograma, 9 komada deterdženta Ariel od po 7,5 kilograma, 9 komada deterdženta Persil od po 6 kilograma, 168 komada energetskog pića Power od 0,5 litara, 3 klima uređaja marke LG, jedna Zavjesa klima, jedan ručni mikser za beton, 660 komada Milka čokolada od po 100 grama, Coca cola 42 komada od 0,2 litra, te otuđene stvari stavio u putničko motorno vozilo marke „G.“ i odvezao se u dio grada „M. m.“ gdje je ostavio otuđene stvari koje je zatim prodao nepoznatim licima čime je vlasniku d.o.o. „I.“ Bihać, pričinio materijalnu štetu u iznosu od oko 15.457,65 KM, 500,00 KM, a sebi pribavio imovinsku korist u tačno neutvrđenom iznosu.

2. U vremenskom periodu od 24.03.2022 godine u 00:30 sati do 24.03.2022. godine do 07:30 sati, u ulici G. u gradu B., u namjeri da sebi pribavi protivpravnu imovinsku korist, došao do iznajmljenog poslovnog objekta „I.“ d.o.o. Bihać znajući da se u istom niko ne nalazi, čiji je korisnik K. A. gdje je na stražnjoj strani objekta prislonio drvene stepenice i popeo se do prozora na drugom spratu veličine 100cmx100 cm te kamenom razbio staklo na istom, a zatim kroz načinjeni otvor ušao u unutrašnjost objekta, pa svjestan da oduzima tuđu pokretninu i htijući to, otuđio 84 metra bakrenih cijevi od centralnog grijanja profila FI 22, jedan bluetooth zvučnik crne boje marke First, jednu hilti mašinu marke „Bosch“, zelene boje, jednu fleks mašinu marke „Dewalt i

punjač za mobitel marke „Samsung“, a zatim otuđene bakrene cijevi prodao nepoznatom licu za iznos od 90,00 KM čime je vlasniku K. A. pričinio materijalnu štetu u iznosu od oko 500,00 KM a sebi pribavio imovinsku korist u iznosu od 90,00 KM.

3. U vremenskom periodu od 30.06.2022. godine od 16:00 sati do dana 01.07.2022. godine do 08:50 sati u ulici G. u gradu B., u namjeri da sebi pribavi protivpravnu imovinsku korist, neopaženo došao do objekta vlasništvo firme „B. – I.“ d.o.o. Bihać, znajući da se u istom niko ne nalazi gdje je nasilno otvorio zaključana ulazna pvc vrata u objekat, na način da je nogom udario u donji dio vrata i izbio ih iz ležišta, a zatim ušao u unutrašnjost objekta, te svjestan da oduzima tuđu pokretninu i htijući to, otuđio jedan paletar žute boje sa natpisom „Lager“ na koji način je vlasniku B. I. d.o.o. Bihać pričinio materijalnu štetu u iznosu od oko 600,00 KM ,a sebi pribavio protupravnu imovinsku korist u tačno neutvrđenom iznosu .

4. U noći sa 26/7.09.2022. godine, u ul. V. u gradu B.,u tačno neutvrđeno vrijeme u namjeri da sebi pribavi protivpravnu imovinsku korist, došao do poslovnog prostora vlasništvo K. A., znajući da se u istom niko ne nalazi, gdje je upotrebom čekića kojeg je donio sa sobom nasilno otvorio zaključana ulazna vrata poslovnog prostora, nakon čega je ušao u unutrašnjost objekta, a zatim svjestan da oduzima tuđu pokretninu i htijući to, iz istog otuđio oko 100 metara instaliranih bakrenih cijevi za grijanje i jedan aluminijski radijator, koje je zatim prodao u „M.“ d.o.o. Gradačac podružnica Bihać za iznos od 500,00 na koji način je pričinio vlasniku K. A. materijalnu štetu u iznosu oko 5.000,00 KM, a sebi pribavio protupravnu imovinsku korist u iznosu od oko 500,00 KM.

5.U noći 26/27.09.2022. godine, u vremenskom periodu od 18:00 sati do 07:00 sati, u ul. V.u gradu B., u namjeri da sebi pribavi protupravnu imovinsku korist, došao do poslovnog objekta u izgradnji vlasništvo B., gdje je upotrebom fizičke snage odvalio aluminijski panel veličine 70x100cm na aluminijskim vratima skladišta sa zadnje strane objekta, a potom kroz tako načinjen otvor ušao u unutrašnjost istog, svjestan da oduzima tuđu pokretninu htijući to, iz istog otuđio oko 100 metara dvofaznog kabla (2 x 50 metara), oko 100 metara trofaznog kabla (2 x 25 metara i 1 x 50 metara) te manju količinu sitnog građevinskog alata, vlasništvo izvođača radova „B.“ d.o.o. Bosanska Otoka, koje je zatim prodao u „M.“ d.o.o. Gradačac podružnica Bihać čime je vlasniku „B.“ d.o.o. Bosanska Otoka pričinio materijalnu štetu u iznosu od oko 1.000,00 KM, a sebi pribavio protupravnu imovinsku korist u tačno neutvrđenom iznosu.

Dakle, provaljivanjem zatvorenog prostora, tuđe pokretne stvari oduzeo drugom, s ciljem da njihovim prisvajanjem pribavi sebi protupravnu imovinsku korist.

Prvoosumnjiveni D.E. i drugoosumnjiveni S. S. zajedno :

6. Dana 12.07.2022. godine, oko 15:00 sati, u ul. M. u gradu B., po prethodnom dogovoru u namjeri pribavljanja protivpravne imovinske koristi, došli do poslovnog prostora firme „B. I.“ d.o.o Bihać , vlasništvo I. E. znajući da se u istom niko ne nalazi gdje su upotrebom krampa i motike koje su donijeli sa sobom nasilno otvorili zaključana željezna vrata prostora, zatim ušli u unutrašnjost prostorije gdje se nalazila prizemna trafostanica i ormarići sa elektroinstalacijama namijenjenih za radne mašine, pa svjesni da oduzimaju tuđu pokretninu i htijući to, krampom i motikom počupali elektrokablove iz elektroormarića, a potom iz prizemne trafostanice iščupali bakrene

ploče i šine, koje su otuđili, a zatim odnijeli i prodali D. R. koji se bavi otkupom sekundarnih sirovina u P. za iznos od oko 300,00 KM čime su „B. I.“ d.o.o Bihać vlasništvo I.E. prčinili materijalnu štetu u iznosu od oko 10.000,00 KM, a sebi pribavili protupravnu imovinsku korist u iznosu od oko 300,00 KM.

Dakle, kao saizvršiocu provaljivanjem zatvorenog prostora, tuđe pokretne stvari oduzeli drugom, s ciljem da njihovim prisvajanjem pribave sebi protupravnu imovinsku korist.

Čime su počinili:

-prvoosumnjčeni D. E. pod tačkama 1., 2., 3., 4. i 5. produženo krivično djelo Teške krađe iz člana 287. stav 1. tačka a) u vezi sa članom 286. stav 1. KZFBiH-a - a pod tačkom 6. kao saizvršiocu prvoosumnjčeni D.E. i drugoosumnjčeni S.S. krivično djelo – Teške krađe iz člana 287. stav 1. tačka a) u vezi sa članom 286. stav 1. i članom 31. KZ FBiH-a.

Stoga stavljam,

**Prijedlog
dokaza koje treba izvesti**

1.Da se u svojstvu svjedoka ispitaaju:

2.Da se pročita/i izvrši uvid u :

3.Da se pregleda:

REZULTATI ISTRAGE

Dokazi koji potkrijepljuju navode optužnice

KANTONALNI TUŽILAC